

Au Huk

□ Vangz Yimeiz/黄玉梅

Boh’ au gizsaed mbouj huk, mboujgvaq dwg mbouj daiq gyaез gangjvah, bingzciengz noix caeuq vunz baedauq, hoeng de cix dwg boux vunz gamjcingz gig lai ndeu.

Boh’ au doekseng youq 50 nienzdah, de maij doegsaw, hoeng seizhaenx mbouj miz ngaenz, de doeg daengz siujyoz sam nienzgaep couh dingz hag lo, de youq henz loh gip ndaej bonj saw manva ndeu, cungj dang bauj ityiengh maij. Boh’ au gietvaen le, gij sibgvenq maij yawj saw haenx caemh mbouj gaijbienq, moix baez de byaij geij goengleix roen, de cingznyienh mbaet gij cienz gwn haeux, hix aeu cawx saw baema, couhdlg yienghneix, de mbouj noix deng yah gvaiq. Aenvih gig gyaез doeg saw, boh’ au ndaw ranz gig gungzhoj cixbah, lij genhciz soengq lwg bae doegsaw, de maqmuengh gyoengq lwg de guhbaenz gij simnyienh de caengz guhbaenz haenx.

Gvaq ngoenzseng, haujlai vunz cungj siengj baenzlawz cij ndaej angqyangz gvaq ngoenzseng, baenzlawz cingj baengzyoux bonjfaenh roxnaeuz vih bonjfaenh bae cawx laex ngoenzseng.

Hoeng boh’ au mbouj doengz, ngoenzseng de, de mbouj vih swheij bwh gij byaek ndeigwn haenx, hix mbouj vih swheij cawx buhvaq moq, cix dwg cawj 30 aen gyaeggaeq, yungh rokraemx coux bae hawj daxbuz gwn, de doiq daxbuz naeuz: “Meh, ngoenzneix dwg ngoenzseng gou, dwg ngoenz haemzhoj mwngz, gou mbouj miz gijmaz doxgaiq ndei, gou cij cawj di gyaeggaeq ndeu hawj mwngz gwn, mwngz dwgengz lo.” Daihgya rox gij hingzveiz “geizheih” boh’ au gvaq ngoenzseng neix le, miz mbangj vunz haenh de hauqswnh bouxlaux, miz

mbangj vunz “riu” de naeuz, vunz doegsaw couhdlg caeuq gij vunz itbuen mbouj doxdoengz.

Boh’ au miz roek caet beixnuengx, hoeng de caeuq daxboh gou gamjcingz ceiқ naekna. Geiq ndaej miz baez ndeu, daxboh baenzbingh youq yihyen yw yaek ndaej ndwen ndeu, bingh ndei le dauq ranz ciengxyw, daxboh ngamq dauq ranz, boh’ au couh daeuj yawj, ndaw rungi lij umj duz gaeq ndeu. De caeuq daxboh gangj ndaej haujlai nanz, de saeqsim cam daxboh bingh ndei di mbouj caengz, vanzlij daengq daxboh aeu ndeindei re ndang. De naeuz daxboh baenzbingh, ndaw sim de couh mbouj onj. Gvaq geij bi le, daxboh cungj mbouj ndaej hoenxhingz ciengz bingh neix, vanzlij dwg byag dou bae lo. Ngoenz daxboh bae haenx, boh’ au coenz vah ndeu cungj mbouj gangj, raemxda itcig youq ndaw da de baenq. Daxboh bae le, dou lij dwg lumj gaxgonq ityiengh heuh boh’ au daengx ranz vunz daeuj ndaw ranz dou gwn haeux, hoeng daj daxboh bae le, boh’ au couh mbouj daeuj gwn haeux gvaq, hix gig noix daeuj ndaw ranz naengh lo, cam de vihmaz mbouj daeuj, de youh yousieng naeuz: “Godaih gou cungj bae lo, gou youh miz gijmaz eiқsei, cij rox gya naek gij siengsim gou.”

Boh’ au yaek ndaej 60 bi lo, ndangdaej mbouj lumj gaxgonq, lai cungj bingh hawj de caengz laux couh geqgoem, gyoengq lwg de cungj youq hawsingz miz hong habhoz, guhbaenz gij simnyienh gaxgonq de caengz guhbaenz haenx, boh’ au ciengzseiz yienghneix ndaengndiengq.

Gyoengq lwg de heuh de itheij gvaq, hoeng boh’ au mbouj nyienh lizhai ranzmbanj, de naeuz gaengq

gvenq youq lajmbanj, bae ndaw singz aiq roxninh mbouj cwxcaih. Gyoengq lwgnyez aeueiq gietdingh boh’ au, youq lajmbanj ranzcoj de hwnq le aen laeuz iq ndeu, caemhcaiқ hawj de cukgaeuq gwndaenj, daengq de mbouj caiq guh hong reihnaz, ngoenz cuengqgyaқ hix ciengz ma ranz yawj boh’ au.

Gyoengq lwg boh’ au hix maij yawj saw, cawz bingzseiz soucomz gij saw guhhong, gij saw seiқ daih mingzcu caeuq mbangj saw vwnzyoz deihleix hix mbouj noix soucomz. Gyoengqde rox boh’ au haengj yawj saw le, moix baez baema cungj soengq hawj geij bonj. Moix baez daengz seizneix, boh’ au cungj angq dwk lumj lwgnyez nei, umj saw sim’ angq raixcaix. Boh’ au mboujdan gyaез yawj saw, doengzseiz hix gig in saw, lwgmbauq dawz saw hawj de, de yawj sat le cungj dwg siujsim yo dawz,

lau mbouj siujsim loengh vaih lo. Caj daeglwg caiq daiq saw daeuj hawj de seiz, de couh dawz gij saw gaxgonq yawj gvaq haenx boiz hawj de, de naeuz gij vunz gyaез doegsaw itbuen cungj dwg ciq saw hawj bouxwnq, mbouj miz soengq saw. Lwg de raen de baenzneix gyaез saw couh soengq saw hawj de, de lumj ndaej bauj nei, gikdoengh dwk naeuz: “Gou baenz ciuhvunz mbouj maij gijmaz, couhdlg maij yawj saw, siengj mbouj daengz gou baenz laux lij ndaej yawj gij saw gak loih ndei neix, caen dwg angq lai lo!”

Seizneix youq ranzmbanj boh’ au, mboujlwnh dwg haetromh roxnaeuz banhaemh, cungj ndaej yawjraen gij ngaеuzndang de yawj saw haenx, gyoengq ranznden youh hainduj naeuz de dwg “cihsiz fwnswj” lo, doiq gij cwnг neix, boh’ au cungj mbouj fanjdui.



▲ Sanhgyangh aen suencaz ndeu fwjmok ngeungeu.
Guneh Buizaneh inei.

Lauxdoengz

□ Moz Lijginz / 磨礼勤

Liuz Fanghfangh daj ndaw ranz buet okdaeuj, hanh dumz najbyak, byoem raez yaek cw naj, de song fwngz baet byoem raez gvaq song mbiengj rwz, song gemj ngaiz daz baenz danqndaem. Vangz Meijyen riugaekgaek cam: “Mwngz guh gijmaz?” Liuz Fanghfangh naeuz: “Gou cawj haeuxcaeuz, feiz dawz youh ndaep, gou aeu gyongh boq le, boq dwk ndaep bae gou dauqcongз caux feiz, feiz yaek dawz, ndaejnyi mwngz heuh le, gou couh buet okdaeuj lo.”

Vangz Meijyen naeuz: “Daxboh

gou miz hong guh lo, siengj heuh daxboh mwngz bae guh, boh mwngz youq ranz lwi?”

Liuz Fanghfangh sikhaek buet gvaq baihlaeng ranz bae, cib lai faen cung, boux vunzsai seiқcib bi ndeu gwed gofaex samoeg ndeu gvaqdaeuj, gang youq gwnz ciengz, de caengz raen naj mehyah Vangz Gencingh, ngaekngaek gyaеuj dongx naeuz: “Lauxbiuj daeuj la, haeuj ranz naengh bae.” Vangz Meijyen naeuz: “Dwg daxmeh gou, dou daeuj ra mwngz, dwg daxboh gou heuh mwngz bae Nanzningz guhhong, gou naeuz denva hauhmax daxboh gou hawj

mwngz dwk hawj boh gou.”

Daxboh Liuz Fanghfangh youq gwnznamh gip di vaxsoiq ndeu sij youq gwnz ciengznamh, sij sat, heuh song mehlwg haeuj ranz gwn caeuz caengh bae ranz. Daxmeh Vangz Meijyen naeuz: “Mbouj gwn lo, mbwn yaek laep, gaenj baema.”

Liuz Fanghfangh umj gaem nye makywd gvaqdaeuj, gwnz nye makywd aen’ aen henj hung singjien, hawj vunz ndwnj myaiz, Vangz Meijyen yawjraen le youh swenj youh buet gvaqbae cieп aeu, “makywd makywd,” doq mbaet gwn doq angqfwngfwng byaij baema, meh de

doiq Liuz Fanghfangh caeuq daxboh de vadvad fwngz, gaenj riengz Vangz Meijyen baema.

(Cibroek)

Rumzbaek lumj boux goenggeq ndeu gaemh dwngx menhmenh daj giz gig gyaе gig gyaе haenx byaij daeuj, bouxguhhong hanh dumz buh mbaeq ndang, raen goeng rumzbaek daeujdaengz, caezgya angq dwk hemq naeuz: “Angqcoux mwngz daeuj ci dou, goeng rumzbaek ha, mwngz caengh dwg caencin lauxgoeng dou!”

Vangz Gencingh daiq song bang vunz ngamq guh ndwen lai seizgan gvethoi couh ndaej daih’ it.

Rumzbaek ci daeuj, guhhong mbouj ok hanh, guhhong mizrengz, mbouj miz yazliz, mbouj miz baufug, cijmiz baenzlawz guh ndaej vaiq, guh ndaej ndei, guh sug cij baenz saeh, hangzhangz ok canghyienz. (20)

